

**TADIKA/TBK**

**DI DAERAH MUAR**

**JOHOR**

---

**OLEH**

**IBRAHIM ABD RAHMAN**

**JABATAN SENILOGAM HALUS**

**KAJIAN SENILUKIS & SENIREKA**

**ITM SHAH ALAM**

**SELANGOR**



PENDAHULUAN

Tidak dinafikan, setiap ibubapa menaruh harapan yang besar terhadap anak-anak mereka. Harapan berupa cita-cita yang menjulang tinggi terus bersemarak di lubuk sanubari. Jarang sekali terbantut padam. Si anak apabila besar diharapkan menjadi seorang yang berjaya dalam hidupnya, lagi berjasa dan berbakti kepada uga- ma, bangsa dan negara. Untuk memenuhi hasrat tersebut ibubapa sanggup memberikan anika kemu- dahan dan keperluan terhadap anak-anak mereka terutamanya keperluan-keperluan asasi termasuk pendidikan dan pelajaran.

Sekarang ini, di mana sahaja, tidak kira di bandar mahupun di luar bandar, pendek kata asalkan sesuatu tempat itu telah menerima se- dikit sebanyak penularan pembangunan, keseda- ran ibubapa tentang pentingnya pelajaran begi- tu ketara. Malah kedapatan ibubapa dan ahli- ahli masyarakat sepertimana yang ditimbulkan oleh Prof. Atan bin Long sewaktu membentangkan kertaskerjanya dalam seminar 'Peranan Pelajaran Senilukis Dalam Pembangunan Negara' baru-baru ini mengatakan tentang "perasaan kebimbangan ibubapa terhadap pelajaran-pelajaran yang dibo- rikan kepada anak-anak mereka khususnya dan je- nerasi muda amnya tidak dapat menyediakan mereka untuk menghadapi masa hadapan yang penuh caba- ran." \*1

---

\*1 Prof. Atan bin Long, Dekan Fakulti Perkhidmatan Pendidikan Universiti Pertanian - Kertaskerjanya bertajuk 'Pentingnya Mata Pelajaran Senilukis di dalam perkembangan individu dari segi Komun- sikan, (di ITI, Shah Alam), Disember, 1977.

### PENGERTIAN TADIKA/TBK

"TADIKA dan TBK merupakan dua istilah yang berlainan tetapi dari segi konsep dan matlamatnya tidak begitu banyak perbedaannya. Walaupun begitu penyelewengan kedapatan berlaku oleh kerana sebab-sebab tertentu."

Demikian menurut salah seorang penyelia KEMAS daerah Muar sewaktu ditezabual.

TADIKA potongan perkataan Taman Didikan Kanak-Kanak dan TBK ialah Taman Bimbingan Kanak-Kanak. Ini merupakan kelas-kelas khas untuk kanak-kanak pra-sekolah.

Kamus Pelajar Federal memberikan makna didikan sebagai, "belaan; jagaan; latihan." \*1 Bimbingan diertikan, "pimpinan; panduan." \*2 Secara umum difahamkan bahawa TADIKA dan TBK seumpama ini merupakan tempat di mana kanak-kanak dari beberapa keluarga berkumpul dengan keadaan tempat dan alam sekeliling yang tertentu dan terdapat orang yang memimpin, memandu dan menjaga kanak-kanak tersebut menurut kaedah dan cara untuk tujuan bimbingan dan pendidikan. Dengan lain perkataan TADIKA dan TBK ini merupakan proses pendidikan awal terhadap pembangunan sosial, emosi, fizikal dan pemikiran kanak-kanak sebelum memasuki alam persekolahan sebenar.

---

\*1 Mohd. Salleh Daud, Kamus Pelajar Federal, 1973, h. 122.

\*2 Seperti di atas, h. 60.

Perlu juga disentuh apa pula pendidikan itu. Para pendidik menggunakan istilah pendidikan dalam dua makna: "Dalam makna yang lebih luas ianya bermaksud segala pengaruh fizikal, biologi, akhlak, dan sosial yang membentuk aliran hidup individu dan negara; dan dalam makna yang lebih sempit ianya bererti hanya pengaruh-pengaruh khusus yang disusun dan dicipta oleh guru-guru." \*1

"Dan erti mendidik pula adalah sama dengan pekerjaan peladang membuang duri dan mencabut rumput yang tumbuh di antara tanaman-tanaman, supaya segar hidup tanaman-tanaman itu dan subur tumbuhnya." \*2

Jelas, pendidikan samada berupa pra-sekolah atau lainnya merupakan proses yang merangkum dan mempengaruhi segala aspek kehidupan murid-murid. Sebab itulah kehidupan sesebuah negara bergantung kepada pendidikannya. Satu peribahasa Cina tepat sekali mengatakan, "Jika kamu merancang untuk satu tahun, tanamlah gandum, jika kamu merancang <sup>untuk</sup> satu dekad (10 tahun) tanamlah pokok, jika kamu merancang untuk satu ribu tahun tanamlah manusia." Demikian pentingnya pendidikan. Dengan menanamnya menghasilkan keuntungan ribuan tahun.

Di sudut lain boleh diambil kesimpulan bahawa sesuatu yang hendak dilaksanakan mestilah dibuat

---

\*1 Prof. Khurshid Ahmad 'Prinsip-prinsip Pendidikan Islam', ABIM, Percetakan Abadi Sdn. Berhad, 1974, h. 7.

\*2 Imam Ghazali, Hai Anak (Fatwa terakhir kepada seorang murid), Percetakan Pustaka Melayu Baru, Kuala Lumpur, 1970, h. 29.